

明代傳記叢刊・綜錄類⑨
周駿富輯

明史稿列傳(二)

(清)王鴻緒等撰

明文書局印行

W571/2

明史稿

列傳第六十四

光祿大夫 經筵講官明史總裁戶部尚書加七級臣王鴻緒奉
敕編撰

李文祥

湯 鼐

張 昂

姜 綰

劉 綬

姜 洪

曹 璘

彭 程

龐 沅

孫 馨

葉 紳

胡 獻

張弘至

屈 伸

王獻臣

李文祥字天瑞麻城人祖正芳山西布政使父瀛陝西參政
皆進士文祥自幼俊異弱冠舉於鄉成化末登進士內閣萬
安重其才以其孫弘璧與同榜令歎於家屬題畫為文祥素

橫雲山人集

教諭堂

十一

教諭堂

鄙安語舍刺安漢銜之末幾孝宗嗣位即上封事畧曰祖宗
設內閣六部贊萬幾理庶務職至重也頃者在位多匪人權
移內侍賞罰任其喜怒禍福聽其轉移警視言官公行賄賂
阿之則交引擊遠忤之則巧譏遠竄朝野寒心道路側目望
陛下密察舉魁明彰國憲擇謹厚者供使令更博選大臣諮
諏治理推心委任不復嫌疑然後體統正而近習不得肆也
祖宗定律輕重適宜頃法司專徇已私不恤國典豪強者雖
重必寬貧弱者雖輕必罪惠及奸宄養成頹俗兼之風尚奢
麗禮制蕩然寒民僭王者之居富室假公侯之服奇技淫巧
上下同流望陛下申明舊章俾法曹務遵律令臣庶各守等
威然後禮法明而人心不敢玩也然國無其人誰與共理致

橫雲山人集

十一

教諭堂

仕尚書王恕王竑孤忠自許齒力未衰南京主事林俊思南
通判王純剛方植躬才品兼茂望陛下起列朝端資其議論
必有裨益可謂明時且賢才難得自古為然習俗移人豪杰
不免惟茲臣庶不盡庸愚能知自愧即屬名流樂其危而乃
為狼品願陛下明察羣倫罷其閣上營私違天竊物者餘則
勉以自新既開改過之路必多遷善之人臣見登極詔書不
許風聞言事古聖王懸鼓設木自求諍諍言之縱非其情聽
者亦足為戒何害於國遠欲罪之昔李林甫持此以禍唐王
安石持此以禍宋遠近驟聞莫不驚駭願陛下再頒明詔廣
求直言庶不墮奸謀足彰聖德大率君子之言決非小人之
利諂問倘及必肆中傷如有所疑請試面對疏奏官官及諫
政萬安劉吉尹直等威惡之數日不下忽召詣左順門以疏
內有中興再造語傳旨詰責文祥從容辨析而出遂謫授陝
西咸寧丞南京主事夏崇文論救不納工部主事莆田林沂
復請召文祥及湯寵納崇文言且召陳獻章謝鐸等特安已
去吉直激帝怒嚴旨切責之廷臣多薦文祥率為吉直所沮
文祥至官上官有欲門見之者文祥却立曰庭參禮也此非
其所其自守如此弘治二年以王恕薦召為兵部主事監司
以下餽贍皆不納到官未踰月復以吉人事下獄貶貴州興
隆衛經歷都御史鄧廷瓚征苗咨以兵事大奇之欲薦為監
司文祥曰昔以言事出今以軍功進不可固辭不得乃請齋
表入都固乞告歸疏再上不許還經商城渡水陷死焉年僅

湯鼎字用之壽州人成化十一年進士授行人擢御史孝宗嗣位首劾大學士萬安罔上悞國明日宜至左順門中官森列令跪鼎曰令跪跪者旨耶抑太監意耶曰有旨鼎始跪及宣旨言疏已留中鼎大言臣所論皆國家大事奈何留中若等壅蔽聖聰是何姓名吾將為天子言之中官多咋舌退已而安斥鼎亦出幾輔印馬馳疏言陛下視朝之餘宜御便殿擇侍臣端方謹厚若劉健謝遷程敏政吳寬者日與講學論道以為出治之本至如內閣尹直尚書李裕都御史劉敷侍郎黃景奸邪無耻或夤緣中官進用或依附倖幸行私不早驅斥必累聖明司禮中官李榮蕭敬爨為言官劾罷等資緣

橫雲山人集 史鑑 列傳六十四

三

敬慎堂

復入遂撫言官過貶竄殆盡致士氣萎靡宜亟正典刑勿為姑息諸傳奉得官者請悉編置療鄉示天下戒且召致仕尚書王恕王詒都御史彭韶僉事章懋等而還建言得罪諸臣以厲風節報聞弘治元年正月鼎又劾禮部尚書周洪謨侍郎倪岳張悅南京兵部尚書馬文升因言少傳劉吉與萬安尹直奸貪等耳直安斥而吉獨進官不以為耻請大申黜陟明示勸懲又劾李榮蕭敬而薦謫降進士李文祥為臺諫皆不納尚書王恕以盛暑請輟經筵鼎上疏極言不可語侵怨當是時帝更新庶政言路大開新進者爭欲以功名自見封章旁午頗傷激訐鼎意氣尤銳其所抨擊聞及海內人望以故大臣多畏之而吉尤不能堪使人暗御史魏璋曰君能去

飛行食院事矣璋欣然日夜伺鼎短會壽州知州劉樂遣鼎書倩以金幣鼎受之璋欲以是為鼎罪適四川飢帝已遣郎中江漢賑而中書舍人吉人言漢不勝任宜精選四使分道賑濟且擇才能御史為巡按庶荒政有裨因薦給事中宋琮陳瑋韓鼎御史曹璘郎中王沂洪鍾員外郎東思誠許事王寅理刑知縣韓福及樂可使而巡按則鼎足任之璋遂草疏偽署御史陳景隆等名言人抵抗成命私立朋黨帝怒下人詔獄令自引其黨人以璘璘思誠樂福對璋又嗾御史陳璧等言璘福思誠非其黨其黨則璘概及主事李文祥庶吉士鄒智知州董傑是也樂常愧鼎白金貽之書謂夜夢一人騎牛幾墮鼎手挽之得不仆又見鼎手執五色石引牛就道因

橫雲山人集 史鑑 列傳六十四

四

敬慎堂

解之曰人騎牛謂朱乃國姓意者國將傾賴鼎扶之而引君當道也鼎樂等自相標榜詆毀時政請並文祥智傑逮治疏上吉從中主之悉下詔獄欲盡置之死刑部尚書何喬新侍郎彭韶等持之外議亦洵洵不平乃坐樂妖言律斬復受賄成肅州人欺罔創籍智文祥傑皆諍官吏部尚書王恕奏曰樂書詞雖妄不過見鼎數言事不避利害以為人豪因推詡之耳秦以忠諫為誹謗漢計為妖言天下至今非之陛下柰何以一樂累平明之治設有如造亡秦識者更何以罪之帝得疏意勅命姑樂獄既而熱審喬新等言樂本不應妖言律且樂五歲而孤無兄弟母孫氏守節三十年曾被旌老病且貧樂死母必不全祈聖恩矜恤乃減樂死成海州鼎既成無

援之者至謝遷柄政始釋歸藥濟寧人以進士除壽州知州毀境內淫祠幾盡三年教化大行弘治初上言刑賞予奪人主大柄後世乃有爲女子小人強臣外戚所攘竊者由此輩心險術巧人主稍加親信輒墮計中愛者乘君之喜而游言以揚之惡者乘君之怒而微言以中之使賢人君子卒受暖昧而去卿相缺人則遷延餌引待有交通請屬軟美易制之人然後薦用其剛正不阿者輒媒孽而放棄之俟其氣衰應易不至大立異同乃更收錄巧計既行刑賞予奪雖名人主獨操實一出於其所簸弄迨黨立勢成復恐一旦敗露則又極意以排諫諍之士務使其君孤立於上耳無聞目無見以圖便其私不至其身與國俱敗不止故夫刑賞予奪必由大

橫雲山人集

卷六十四

主

臣奏請臺諫集議而後可行或有矯誣窮治不輕貸則譏佞莫能間而權不下移矣考績赴都遂遇禍竟卒於戍所僕涇縣人雍之論暑月報講也僕方以進士謁選亦抗疏爭且詆王恕欺罔言雖過僕亦由是知名授沔陽知州甫數月逮繫詔獄謫四川行都司知事歷遷河南左布政使所在盡職業爲民所懷正德六年江西盜起巡撫王哲兵敗召還擢僕右副都御史代之未幾卒璋既爲吉心腹果擢大理寺丞坐事下獄王恕黜之爲九江同知怙怙死

張昂字仲明慈谿人都御史情孫也舉成化八年進士授鉛山知縣性剛明不惑神怪有嫁女者及婿門而失女兩家互訟官不能決昂行邑界見大樹妨稼欲伐之從者言樹有神

不可伐焉不聽率衆往有衣冠三人拜道左昂叱之忽不見比還斤血注昂怒手斧之卒仆其樹巢中墮二婦人盲狂風吹至樓上與二少年俱其一卽前所嫁女也有巫能隱形淫人婦女昂執而痛杖之無所苦已並巫失去昂馳縛以歸印巫背輓之立死乃盡毀諸淫祠寡婦惟一子爲虎噬少年欲難昂代婦書牒請得虎抵罪昂與婦期五日乃齋戒祀城隍廟神約繫虎至及期二虎果伏庭下叱曰食吾民法當死無罪者免一虎起斂尾去一虎伏不動昂射殺之以鼻節婦一縣稱神君鉛山俗婦人夫死輒嫁有病未死先受聘供湯藥者昂欲變其俗令寡婦皆具牒受判署二木曰羞願嫁者跪之曰節願守者跪之民傳四妻祝不欲嫁舅姑給受牒令跪

橫雲山人集

卷六十四

主

蓋木下昂判從之祝投後園池中死邑大旱昂意有冤獄齋宿神祠夢婦人泣拜覺而識其里居姓氏往詰其狀及啟土貌如生昂哭之慟曰殺婦者吾也爲文以祭天遂大雨乃罪其舅姑改葬焉諸異政多此類擢南京御史弘治元年七月偕同官上言頃陛下免喪遣官告孝陵將祭陰雲忽變暴風大作豈皇祖神靈以是啓陛下俾益謹履霜之戒與請畧陳之通臺諫交章論事矣而扈蹕糾儀者不免錦衣捶楚之辱是言路將塞之漸也經筵既舉矣而封章累進卒不能同寒暑停免之說是聖學將息之漸也內倖雖斥梁芳而賜祭仍及便辟是復啓寵倖之漸也外戚既罪萬喜而莊田又賜皇親是驕縱嬖倖之漸也左道雖斥而符書尚揭於官禁番僧

旋復於京師是異端復興之漸也傳奉雖華而千戶復除張質通政不去張苗是傳奉復啓之漸也織造停矣仍聞有蟒衣斗牛之織淫巧其漸作乎寶石廢矣又聞有戚里不時之賜珍玩其漸崇乎詩云靡不有初鮮克有終願陛下以爲戒帝嘉納之先是南京御史黎鼎等以雷震孝陵柏樹與曷劾大學生劉吉等十餘人給事中周紘亦與同官方向等劾吉吉銜之其冬曷紘奉命閱軍多缺伍兩人欲奏之守備中官蔣琮怒反劾兩人擅威福章下內閣吉脩隙擬黜之外尚書王恕抗章曰天下大政惟賞與罰今不治失位之罪而反罪執法之臣何以服天下帝不聽恕再疏爭言官亦論莽乃調曷南京通政司經歷紘南京尤祿寺署丞久之曷用薦遷

橫雲山人集 卷六十四

七

敬位堂

四川僉事富蒙殺人屢以賄免御史檄曷治果得其情尋進副使守備中官某將進衛士周慧於朝曷擒慧論徙之極邊歲餘引疾歸環堵蕭然擁經史自娛都御史王璟以賑荒至曷曷白金堅拒不得受下戶僉民粟以答其意知縣丁洪曷令鉛山所取士也旦夕候起居爲具蔬食曷曰吾誠不自給奈何以此煩令君卒弗受炊烟屢絕廖之潛如及卒含斂不具洪爲經紀其喪

姜綰字玉卿七陽人成化十四年進士由景陵知縣擢南京御史弘治初陳治道十事又言午朝宜論大政毋泛陳細故皆報聞南京戶部主事盧錦者與中官陳祖生有隙給事中方向嘗因南京內園火率同官繆樛等劾文武大臣不職因

及祖生無何雷震孝陵柏又劾大學生劉吉等十一人而詆祖生益力祖生銜向切骨會御史余澤言守備中官違制墾後湖田湖爲之淤奏下令錦勘田時向方監後湖黃冊祖生遂訐錦向侵湖田詔下南京三法司勘勘未上守備中官蔣琮又以蘆場事爲綰所劾疏言琮以守備重臣與小民爭利假公事以飾私情用揭帖而抗詔旨揚言陰中有必從其他變亂成法厥罪有十以內臣侵官職罪一妬害大臣妄論都御史秦紘罪二怒河關官失迎候欲奏罷之罪三受民詞不由通政罪四分遣腹心侵漁國課罪五按季收班匠工銀罪六擅收用罷開都事罪七官僚忤意輒肆中傷罪八妄奏王事周瑋罪欺罔罪九保舉罷黜內臣竊天子威柄

橫雲山人集 卷六十四

八

敬位堂

罪十事亦下南京三法司既復特遣官覆治以奏劉吉方憾南御史管劾已與琮黨合謀既削錦籍謫向官復逮綰及其同官孫紘劉通金章紀傑曹玉譚肅徐禮余濬給事繆樛赴京論劾皆謫爲州判官其事詳蔣琮傳綰謫判桂陽量移寧國同知遷慶遠知府討斬劇賊草七旋章萬妙其黨糾賊數萬攻城綰堅守檄民兵夾擊破走之東蘭諸州蠻悉歸地總督劉大夏奇其才薦爲右江兵備副使思恩知府岑濬逐田州知府岑猛綰獻策總督潘蕃請討之與都指揮金堂合諸路兵大破賊思恩平綰條二府形勢請改設流官比中土廷議從之綰遂引疾還俄起河南按察使尋復以疾歸卒於家向字與義桐城人謫雲南多羅驛丞歷官瓊州知府入覲

時僕私市一珠索而投之海榜字全之溧陽人孝宗初陳時政八事因劾大學士尹直等時號敢言終營州判官潘慈銘人孝宗初疏請永除納粟入監令又劾浙江鎮守中官張慶廣東鎮守中官韋春因薦王恕堪內閣馬文升彭韶張悅阮勳黃孔昭堪吏部後湖之勘自潘啟之潘亦貶平度判官終知府絃字文冕鄆人謫膠州判官遷廣德知州卒官絃少貧傭書市肉以養母既通籍終身不肉食遷安福人謫澧州判官遷武岡知州岷王不檢下邇裁抑之又欲損其歲祿王怒奏於朝徵下詔獄貶四川行都司斷事歷湖廣副使劉瑾徵賄不得坐缺軍儲被逮已而釋之再坐斷獄稽延罰米百石先是榮王乞辰州常德田二千頃山場八百里民舍市廛千

橫雲山人集 列傳六十四

九

敬慎堂

餘間遜與巡撫韓重持勿予至是瑾悉予之部議補選瓊州副使瑾以其嘗劾中官勒令致仕瑾誅起歷福建按察使章傑等無他表見

姜洪字希範廣德人成化十四年進士除盧氏知縣單騎勸農桑民姜仲禮願代父死罪洪奏免之徵拜御史孝宗即位陳時政八事其論辨邪正也言太監蕭敬賦性陰險內閣萬安劉吉浮沉取容學士尹直侍郎黃景懷奸竊耻都御史劉敷侍郎劉宣老懦無能吏部尚書李裕依掌李牧省戶部尚書李敏大理丞宋經誚事梁芳刑部尚書杜銘年力已衰進取彌銳皆宜罷還田里或屏遠方爲大臣不忠之戒致仕尚書王恕王竑李秉俱才德高茂志節忠貞去任侍郎謝鐸編

修張元禎檢討陳獻章食事章懋評事黃仲昭俱學有淵源持論公正御史強珍徐鑑于大節給事王徽蕭顯賀欽員外林俊王事王純俱忠勇敢言直節可取至在位之臣如尚書余子俊馬文升巡撫彭韶侍郎張悅詹事楊守陳或彈力任事或剛介不屈或恬靜有守以及指揮許寧內官懷恩並拔出曹輩足副任使願陛下已用者勿疑未用者延致庶文武得人政事修舉他所陳禁近習黜異端省進奉數條雖指意宗末年事未嘗觸帝忌而大旨多斥近侍疏詞幾萬言帝嘉納之爲所斥者憾不置弘治元年出按湖廣與督漕都御史秦紘爭文移被劾所司白洪無罪劉吉欲中之再下禮部會議遂貶夏縣知縣御史歐陽旦請召還洪及暢亨等不納遷

橫雲山人集 列傳六十四

十

敬慎堂

桂林知府猶僮侵擾古田請兵討平之擢雲南參政土官陶洪與八百媳婦約爲亂洪乘間誦滅正德二年遷山西右布政使劉瑾索賈印錢不應矯詔罷歸瑾誅起山東左布政使七年以右副都御史巡撫山西未滿歲卒洪性元直歷官四十載居無垣牆身後喪不能舉天啟初追諡莊介旦安福人成化中進士由休寧知縣擢御史嘗請逐劉吉罷皇莊歷湖廣僉事浙江副使終南京右副都御史亨字文通河津人成化十四年進士由長垣知縣擢御史巡按浙江歲饑奏罷上供綾紗等物考察官吏奏免百五十餘人弘治元年二月景寧縣屏風山異獸萬餘大如羊色白銜尾浮空去亨請罷溫處銀課而實鎮守中官張慶於法章下所司銀課得減責處

陳狀慶因許亨考察不公停享俸三月亨又劾僉事鄒滂滂亦許亨慶等構之逮亨謫涇陽知縣

曹璘字廷暉襄陽人成化十四年進士授行人久之選授御史孝宗嗣位疏言梓宮發引陛下宜衰絰杖履送至大明門外拜哭而別率官中行三年喪貴妃萬氏有罪宜告於先帝削其諡還葬他所帝納其奏而戒勿言貴妃事頃之請用王恕爲內閣擢李文祥召南京大察何喬新黎淳黃孔昭於朝置陳獻章張元禎林俊於左右復先朝言事諸官于大節徐鑑何珌王純張吉勳章趙明丁璣等官放遣官中怨女罷撤監督京營及鎮守四方太監又言梁芳以指揮袁輅獻地建寺請令襲廣平侯爵以數畝地得侯助臣誰不解體宜亟爲

橫山山人集卷之十四

十一

敬慎堂

革罷疏奏帝頗采焉弘治元年七月上言近日星隕地震金木二星晝見雷擊禁門皇陵雨雹南京內園災狂夫叫閭景寧白氣飛騰而陛下不深求致咎之由以盡弭災之實經筵雖御徒爲具文方舉輒休暫行速罷一年之中彊半不學日所接者官官妾而已所謂一日暴之十日寒之者也願日御講殿與儒臣論議罷大學士劉吉徐溥尚書周洪諫侍郎李嗣何琚呂安謝宇以消天變臣昨冬曾請陛下墨衰視政今每遇節序輒漸御黃裳從官朱紆三年之間爲日有幾宜但御淺服且陛下方諒闇少監郭勳乃請選妃嬪雖拒勿納鑄猶任用何以解臣民疑祖宗嚴自官之禁今此曹于進紛紜當論罪朝廷特設書堂令翰林官教習內使本非高皇帝

制詞臣多資緣以干進而內官亦且假儒術以文奸宜速罷之諸邊有警輒合京軍北征此輩驕惰久不足用乞自今勿遣而以出師之費賞邊軍帝得疏不喜降旨譙讓已出按廣東訪陳獻章於新會服其言論遂引疾歸居山中讀書三十年不入城市時又有進士夏鏐都御史頃于也弘治四年謁選入都上章請復往事李文祥庶吉士鄒智中書舍人吉人御史湯養任儀姜紹劉遜繆縉給事中方向等官罷輔臣劉吉位忤旨下詔獄既釋歸久之始起選除南京大理評事疏論賦斂徭役馬政鹽課及宗藩戚里侵漁之狀帝不省錄素無宦情父頃初撫四川年未五十錄獻詩勸歸頃亦欣然納焉至是服官僅歲餘念母老乞歸侍養家居三十餘年竟不

橫山山人集卷之十四

十一

敬慎堂

復起

彭程字萬里鄱陽人成化末進士弘治初授御史巡視京城降人雜處畿甸多爲盜事發則投戚里奄豎爲窟穴程每先機制之有發輒得巡鹽兩浙代還巡視光祿五年上疏言臣適見光祿造皇壇器皇壇者先帝修齋行法之所陛下即位此類廢斥盡何復有皇壇煩製器光祿金錢悉民膏血用得其當猶恐病民况投之無用地頃李孜省繼曉輩倡邪說而先帝篤信之者意在違希福壽也今二人已伏重辟則禍患之來二人尚不能自免豈能福壽他人倘陛下果有此舉宜遏之將萌如無請治所司逢迎罪時帝無皇壇造器之命特光祿姑爲備帝得程奏大怒以爲暴揚先帝過失立下錦衣

獄給事中兼蘭亦巡視光祿繼上疏論之帝有蘭奉光祿卿胡恭等條付程刑部定罪尚書彭韶等擬贖杖還職帝欲置之死命繫之韶等復疏救程子尚三上章乞代父死終不聽是時御史李興亦坐罪繫獄李興者嵩縣人官御史出按陝西劾寧夏巡撫韓文失事文計與酷刑殺人帝怒逮治而興事故有驗所刑殺者凡十有三人帝仁厚益怒刑部當與贖杖爲民帝不許命俟朝審以聞及期韶等錄上興及程罪狀詔與斬程竝家屬成隆慶文武大臣英國公張懋等合疏言興爲巡按能舉憲條覈貪吏其所斃多犯罪不宜當以死程用諫爲職坐此戍邊則作奸枉法者何以罪之尚書王恕又特疏救乃減興死杖之百偕妻子戍賓州程竟無所減程母

橫雲山人集

卷三

疏論

李氏年老無他子叩關乞留侍養南京給事中毛理等亦奏曰昔劉禹錫附王叔文當竄遠方表度以其母老爲請得改連州陛下聖德非唐中主可比而程罪亦異禹錫所少矜憐全其母子不許子尚隨父戍所遂舉廣西鄉試明年帝念程母老放還其後劉瑾亂政追論程巡鹽時稍虧額課勒其家償程死久矣止遺一孫女聲產不足則竝女嚮之行道皆爲流涕

龐泮字原化天台人成化二十年進士授工科給事中弘治初御史暢亨劾中官張慶反爲誣許泮疏直之中旨取善擊劄鼓者泮疏諫屢遷刑科都給事中副使楊茂元被逮泮率同列救之茂元得薄譴九年四月帝以岷王劾武岡知州劉

過命逮之泮率同官巨獻等言歸天子親軍非不軌及妖言重情不可輕遣邇所坐微而王奏牽左證百人勢難盡逮宜勅撫按官體勘疏入忤旨下泮等四十二人及御史劉紳等二十人詔獄六科署空吏部尚書屠濬請令中書代收部院封事詹事楊守陞貽書責濬不疏救會御史張淳方奉使還耻獨不與抗疏論之考功郎中儲燾亦諫濬等復率九卿救之帝乃釋泮等皆停俸三月中官何鼎以直言下獄楊騰戴禮黃錄入司禮監泮等言鼎狂直宜容屬等得罪先朝俾參機密害非小會御史黃山張泰等亦以爲言帝怒詰外臣何由知內廷事令對狀停泮等俸半歲成寧伯王越謀起用中官蔣琮李廣有罪成周或張鶴齡縱家奴殺人泮皆極

橫雲山人集

卷四

疏論

論直聲甚著十一年擢福建右叅政中官奪宋儒黃幹宅爲僧菴泮改爲書院以祀幹遷河南右布政使中旨取洛陽壯丹疏請罷之轉廣西左布政使致仕獻浙江新昌人成化二十年進士授刑科給事中坐事杖闕廷弘治時詔選駙馬李廣受富人金陰爲地爲獻所發有直聲正德中終南京兵部右侍郎

孫磐遷陽人弘治九年進士時有徐珪者應城人弘治中爲刑部典吏先是千戶吳能以女滿倉兒付媒者竊於樂婦張給曰周皇親家也後轉樂工袁璘能殺妻璘訪得之女怨母罵已詭言非已母璘與子劫女歸璘往贖不從訟於刑部郎中丁哲員外郎王爵訊得情璘語不遜哲皆璘數日死御史

陳玉主事孔琦驗屍處瘞之東廠中官楊鵬從子嘗與女淫
教璫妻訴冤於鵬而令張妾指女為妹又令賈校尉屬女亦
如張言媒者遂言璫女前驚周皇親矣奏下鎮撫司坐哲爵
等罪復下法司錦衣衛獄索女皇親周或家無有復命府部
大臣及給事御史延訊張與女始吐實都察院奏哲因公杖
人死罪當從爵玉琦及璫母女當杖獄上珪憤懣抗疏曰璫
女之獄哲斷之審矣鵬持誣使誣伏鎮撫司共相蔽欺陛下
令法司錦衣會問懼東廠莫敢明至鞠之朝堂乃不能隱夫
女誣母僅擬杖哲等無罪反加以徒輕重倒置如此皆京廠
威劫所致也臣在刑部三年每見鞠問盜賊多東廠鎮撫司
緝獲有稱校尉誣陷者有稱校尉為人報讐者有稱校尉受

橫雲山全集

卷六十四

主

敬謹堂

首惡賊而以為從令傍人抵罪者刑官洞見其情無敢擅更
一字上于天和災異迭見臣願陛下革去東廠戮賜叔姪並
賈校尉及此女於市謫戍鎮撫司官極邊進哲爵琦玉各一
階以洗其冤則天意可回太平可致如不罷東廠亦當推選
謹厚中官如陳寬韋泰者居之仍簡一大臣與共理鎮撫司
理刑亦不宜專用錦衣官乞推選在京各衙一二人及刑部
主事一人共蒞其事或三年六年一更則巡捕官校當無有
作奸擅刑誣及無辜者矣臣一介微軀左右前後皆東廠鎮
撫司之人禍必不免顧與其死於此輩孰若死於陛下之手
願斬臣頭以行臣言給臣妻子送骸骨歸臣雖死無恨帝怒
下都察院考試都御史聞珪等抵以奏事不實賸徙還役帝

責具狀皆上疏引罪奪俸有差珪賸徒畢發為民既而給事
中胤洋等言珪等獄詞覆奏已餘三月繫獄者凡三十八人
乞早為省釋且鞠是獄者陛下乃於一樂婦之賸敢為欺蔽
而不以實聞乎乃杖滿倉兒送浣衣局苦給瘞埋葬費發為
民爵及琦玉俱贖杖還職時弘治九年十二月也十一年刑
部主事陳鳳梧薦珪授桐鄉縣丞正德中歷贛州通判招降盜
魁何積玉已復叛下珪獄尋釋之後以平盜功擢知州乞歸
卒當珪之劾鵬得罪也鵬觀政在部上疏曰近諫官以言為
諱而排寵倖觸權奸者乃在胥吏臣竊羞之請定建言者為
四等最上不避患害抗彈權貴者其次揚清激濁能補闕拾
遺又其次建白時政有裨軍國皆分別擢敘而粉飾文具循

橫雲山全集

卷六十四

主

敬謹堂

默不言者則罷黜之庶言官知警不至曠厥時不見用譬尋
擢吏部主事正德元年宦官漸用事勢復上疏曰今日弊政
莫甚於內臣典兵夫臣以內稱外事皆不當預矧可使握兵
柄哉前代盛時未嘗有此唐宋季世始置監軍而其國遂以
不承今九邊鎮守分守監槍諸內臣恃勢專恣侵剋百端有
警則擁精卒自衛克敵則縱部下攘功武弁藉以資緣憲司
莫敢計問所携家人頭目率惡少無賴吞噬爭攫勢同狼虎
致三軍喪氣百職灰心乞盡撤還京專以邊務責將帥此今
日修攘要務也不從及劉瑾得志斥警為奸黨勒之歸瑾誅
起河南僉事坐累罷
葉紳字廷緒吳江人成化末進士除戶科給事中改吏科歷

禮科左給事中弘治十年太子年十七猶未出閣請擇講官諭教尋以修省陳八事言經筵掃御日講久停蓋工琴士承恩便殿教坊雜劇呈技御前此聖學所以少怠也視朝過晏聽漸漸橫山至達旦以觀曲宴或竟日如罷此聖政所以少倦也中官李廣以千戶王英選用乳保爲乞指揮以僕隸周王李恕奔走微勞爲求官秩名器猥濫至此而極行伍空於逃亡強壯困於私役萬春諸官及公私邸第興建不已致兵力凋敝威武不揚民間舉凡爲奸人投獻利歸私家怨積君父皆宜嚴禁痛絕使聖政一新又劾尚書徐璉童軒侯璫侍郎鄭紀王宗彝巡撫都御史劉嶽張誥張岫等二十人乞賜罷斥而未言去大奸則專劾李廣八大罪謹陛下以燒

橫雲山人集

七

敬慎堂

鍊而進不經之藥罪一爲太子立寄壇而興廢疏之說罪二撥置皇親希求恩寵罪三盜引玉泉經繞私第罪四首開伴門大肆奸貪罪五太常崔志端直人王應禕輩稱廣爲教主直人廣卽代求善官乞賜玉帶罪六假果戶爲名侵奪農民土地幾至激變罪七四方輪納上貢威取勢逼致民破產罪八內而皇親駙馬事之如父外而總兵鎮守稱之爲公陛下奈何養此大奸於用腹而不思驅斥哉御史張縉等亦以爲言帝曰姑置之逾數月廣竟得罪飲酸死紳又極陳大臣恩蔭葬祭之濫下所司議頗有減損擢尚寶少卿卒

初獻字時臣揚州興化人弘治九年進士改庶吉士授御史踰月卽極論時政數事言屠滿爲吏部尚書王越李憲爲都

御史皆交通中官李廣得之廣得售奸由陛下議政不任大臣而任廣輩也祖宗時恒御內閣商決章奏經筵日講悉陳時政得失又不時接見儒臣今幸閣之禮自成化朝久廢經筵祇故事而日講又復寢罷願陛下追舉舊制復日講擇講官凡政事闕違皆許陳說庶政決不虛也京通二倉總督監督內臣每收米萬石勒白金十兩以歲運四百萬石計之人四千兩又各占斗級二三百人使納月錢夫監督倉儲自有戶部焉用中官願賜罷遣京操軍士自數千里至而總兵坐營等官各使分屬辦納月錢乞嚴革以蘇其困陛下遇災修省去春求言諫官及郎中王雲鳳主事胡燦皆有論奏留中不報雲鳳尋得罪如此則與不修省何異願斷自聖心凡

橫雲山人集

八

敬慎堂

利弊當興革者卽見施行東廠校尉本以緝奸邇者但爲內戚中官泄憤報怨如御史武衢忤壽寧侯張鶴齡及太監楊鵬主事毛廣忤太監韋泰皆爲校尉所發推求細事誣以罪名舉朝皆知其枉無敢言者臣亦知今日言之異日必爲所陷然臣弗懼也雲鳳燦皆劾中貴李廣者故獻及之疏入鶴齡與泰各疏辨會吏科給事中胡易劾監庫中官賀彬貪黷八罪彬亦疏辨許易帝遂下獄易詔獄謫藍山丞久之釋易獻未赴官還宜陽知縣馬文升數薦於朝遂南京都察院經歷武宗卽位擢廣西提學僉事還福建提學副使未任卒易寧都人起家進士華夷勅程敏政法司白昂閔珪據舊制令六科共鞠時易已遷戶科左給事中署科事偕同官魏珏

林廷玉等往視詞少屈廷玉從旁助之東廠劾易等皆視同僚不當與訊得旨下詔獄昂珪請罪皆停俸比視獄成易等猶被繫文武大臣以爲言始令復職而調廷玉外任權字仲光蕪湖人弘治六年進士改庶吉士授戶部主事十年三月災異求言熾應詔疏言中官李廣楊鵬引左道劉良輔輩惑亂聖聰濫設齋醮耗蠹國儲而不肖士大夫方昏暮乞憐於其門交通請託陰虛陽微災何由弭因極陳威曉方士傳奉冗員之害疏留中未幾廢死故雖得無罪當成化時宦官用事帝嗣位雖間有罷黜而勢積重不能驟返凡忤之者必結黨排陷不勝不止前後被排者甚衆自獻易及武衛毛廣外如周時從爲戶部員外郎弘治元年疏請寬先朝遺奸汪直

橫雲山人集

左

敬慎堂

錢能蔡用輩於重典而察核兩京及四方鎮守中官諸宦官摘其奏中宗社字不越格命法司逮治已而釋之閭中任儀爲御史三年秋詔修齋於大興隆寺理刑知縣王嶽騎過之中使梓辱嶽使跪於寺前儀不平劾中使罪姓名偶誤乃竝儀下吏出爲中部知縣永清王雄爲行人十三年秋大同有警命保國公朱暉禦之雄極言暉不足任且請罷中官監督以重將權苗達方督暉軍謂雄阻軍乃下詔欲謫雲南浪穹丞山西永寧車梁爲御史十五年條列時政中言東廠錦衣衛所獲盜先嚴刑具成案然後送法司法司不敢平反請自今徑送法司毋先刑訊章下未報王東廠者言梁從父郎中廷先以罪爲東廠所發挾私妄言遂下梁詔獄給事御史論

救乃得釋衡沂水人謫雲南通海至蕪終汾州知州廣無考儀終山西參政梁終漢陽知府

張弘至字時行華亭人南安知府弼子也舉弘治九年進士改庶吉士授兵科給事中十二年冬陳初政漸不克終八事初汰傳奉官殆盡近匠官張廣寧等一傳至百二十餘人少卿李綸指揮張玘等再傳至百八十餘人異初政者一初追戮繼曉逐番僧佛子近齋無不息異初政者二初去萬安李裕輩朝彈夕斥近被劾數十疏如尚書徐瓊者猶居位異初政者三初聖諭有大政召大臣面議近上下否隔異初政者四初撤增設內官近已還者復去已革者復增異初政者五初慎重詔旨左右不敢妄干近陳情乞恩率允異初政者

橫雲山人集

主

敬慎堂

六初令兵部申舊章有妄乞陞武職者奏治近乞陞無違拒異初政者七初節光祿供億近冗食日繁移太倉銀賒市屋物異初政者八帝下所司邊將王杲馬昇泰恭陳瑛失機論死入繫弘至請速正典刑親王之藩者所次舍率營席殿竝從官幕次俱飾絨絨綿帛因弘至言多減損孝宗晚年從廷臣請遣官覈騰驤四衛虛冒弊以太監宦瑾言而止弘至抗章爭會兵部亦以爲言乃卒覈之武宗立以戶科右給事中奉使安南還還都給事中母憂歸卒

屈伸字引之仕丘人成化末進士選庶吉士授禮科給事中弘治九年詔度僧禮部爭不得伸極陳三不可不納京師民訛言寇近邊兵部請榜諭伸言若榜示人心愈驚昔漢廷始

中鄙人訖言大水至議令吏民上城避之王商不從項之果
定今當以為法事遂寢十三年言陛下遊宴傾煩致精神怠
而政務弛願時御便殿博議政理帝嘉納焉冠犯大同游擊
王景匿敗績狀伸率同官營之竝劾罪總兵官王璽等屢還
兵科都給事中泰寧衛部長大掠遼陽部議令守臣遺書稱
朝廷寬大不究已往若還所掠則予重賞伸等言在我示怯
弱之形在彼無創艾之意非王者威懷之道前日犯邊不以
為罪今日歸俘反以為功誨以為盜之利啓無賴心又非至
者懷柔之道帝悟書不果遣已劾鎮守中官孫振總兵官蔣
驥巡撫陳璘債事罪帝不問廣寧復失事璘等以提聞伸及
御史耿明等交章劾其欺罔乃按治之大監苗達成國公朱

橫雲山人集

主

敬慎堂

暉等搗巢獲三級及冠大入固原不敢救既而斬獲十二級
先後以捷聞伸等數劾之及班師又極論日暉等西討無功
班師命甫下將士已入國門不知奉何詔書且此一役也糜
京帑及邊儲共一百六十餘萬兩而首功止三級是以五十
萬金易一無名之首也乃所有有功將士至萬餘人假使誠
一渠魁如火篩或斬級至千百將竭天下財不足供費而報
功者當不知幾萬萬也暉達及都御史史琳監軍御史王用
宜悉重典帝不聽雲南有鎮守中官復遣監丞孫敘鎮金
騰伸等極言不可錦衣指揮孫鑾坐罪閒住中旨復之令掌
南鎮撫事伸等力爭乃命止帶俸中旨令指揮胡震分守天
津伸力爭不聽鎮守河南中官劉耶乞皂隸帝命于五十人

故事尚書僅十二人伸等力爭詔止減二十人自後中官咸
援例陳乞祖制遂壞伸居諫垣入持議侃侃不撓未及遷而
卒

王獻臣字敬止其先吳人隸籍錦衣衛弘治六年舉進士授
行人擢御史巡大同邊還言自威遠失利士無戰心今復令
修築邊垣豈勝畚鍤勞宜量修要害悉罷其餘且亟正諸將
姚信陳廣閉營避寇及馬昇王景泰恭喪師罪悉調大同延
綏早傷遁賦以寬軍民帝多從之嘗令部卒導從遊山為東
原緝事者所發竝言其指委軍政官徵下詔獄罪常輪贖特
命杖三十謫上杭丞十七年復以張天祥事被逮天祥者遼
東都指揮僉事斌孫也斌以罪廢天祥入粟得祖官有泰寧

橫雲山人集

主

敬慎堂

衛部十餘騎射傷海西貢使斌使天祥出毛喇關掩殺他衛
三十八人以歸指為射貢使者巡撫張璠等奏提獻臣疑之
方移牒駁勘斌婦弟指揮張茂及子欽與天祥有卻詐為前
屯衛文書呈獻臣具言劾營事獻臣即以聞未報會獻臣被
徵帝命大理丞吳一貫錦衣指揮楊玉會新按臣余濂勘之
盡得其實斌等皆論死天祥繫於獄天祥叔父洪屢訟冤帝
密令東廠廉其事還奏所勘皆誣帝信之欲盡反前獄召內
閣劉健等出東廠揭帖示之命盡逮一貫等會訊闕下健等
言東廠揭帖不可行於外既退復爭之帝再召見責健等健
對曰獄經法司讞皆公卿士大夫言足信帝曰法司斷獄不
當身且不保言可信乎謝還曰事當從衆若一二入言安可

信健等又言衆証遠不可悉逮帝曰此大獄逮千人何恤苟
功罪不明邊臣孰肯効力者健等再四爭執見帝聲色厲終
不敢淡言東廠非越二日復召對卒傳旨逮一貫等既至帝
親御午門鞠之斌曰勘官不當以匿名書定罪帝遽曰匿名
書見即焚毀此定律也安得施行色怒甚一貫等皆股慄帝
反復詰之衆莫敢辨帝欲抵一貫死閔珪戴珊力救乃謫嵩
明州同知獻臣廣東驛丞濂雲南布政司照磨茂父子論死
而斌免洪反得論功武宗立獻臣遷永嘉知縣一貫字道夫
海陽人成化中進士由上高知縣擢御史弘治中歷按浙江
福建南畿以強幹聞擢大理右寺丞畿輔河南饑請發粟二
十萬石以賑又別請二萬石給京邑及昌平民既謫官正德
初遷江西副使討華林賊有功進按察使行軍至奉新卒士
民立忠節祠祀焉濂字宗周都昌人弘治六年進士授行人
擢御史多所糾劾武宗時終雲南副使孝宗勵精圖治委任
大臣中官勢稍細矣而張天祥及滿倉兒事皆發自東廠廷
議猶爲所撓云

橫雲山人集

史集
卷六十四

韋

敬康堂

明史彙

列傳第六十五

光祿大夫 經筵講官明史總纂戶部尚書加七級王鴻緒奉

韓文館 佐 王 崇 張數華

楊守隨 守 門 許 進 子 藩 泰 張 淮

陳壽 樊 瑩 熊 繼

潘 蓉 張 泰 吳 文 度

張 熊 朱 欽

韓文字貫道洪洞人宋宰相琦後也生時父夢紫衣人抱送
文彥博至其家故名之曰文成化初舉進士除工科給事中
累章州軍功劾寧晉伯劉聚部御史王越馬文升等濫殺

橫雲山人集

卷之六十五

敬慎堂

二

敬慎堂

報尋劫起為李秉王茲語頗涉兩宮帝怒批之文昇殿庭已
進右給事中出為湖廣右參議中貴督太和山乾沒公費文
力遏之以其美易粟萬石備賑貸九谿土酋與鄰境爭地相
攻文往諭皆服聞七年轉左弘治改元王恕以文久淹用為
山東左參政居二年用倪岳薦擢雲南左布政使以右副都
御史巡撫湖廣移撫河南名為戶部右侍郎母喪除起改吏
部進左十六年拜南京兵部尚書歲侵米價翔踊文請預發
軍餉三月戶部難之文曰救荒如救焚有罪吾自當之乃發
廩十六萬石米價為平召拜戶部尚書文凝厚雍粹居常抑
抑至臨大事剛斷無所撓武宗即位賞賚及山陵大婚諸費
需銀百八十萬兩有奇部帑不給文請先發承運庫詔不許

橫雲山人集

二

敬慎堂

文官帑藏虛實自京邊軍士外請分別給銀鈔稍益以內
庫及內府錢并暫借助咸賜莊田稅而敕承運庫內官核所
積金銀著之籍且盡罷諸不急費帝不欲發內帑命文以漸
經畫文持大體務為國惜財真入陳應稱大國師那卜堅參
等落職文請沒其貲實國帑舊制監局倉庫內官不過二三
人後漸添注或一倉十餘人上林苑林衡署至三十二人文
力請裁汰淳公公主賜田三百頃復欲奪任丘民業文力爭
乃止孝宗時外戚嚴嵩壽寧侯家人及商人譚景清等奏請
買補殘鹽至百八十萬引及孝宗欲更新庶政文條鹽政風
弊七事論殘鹽尤切孝宗嘉納未及行而崩即入武宗登極
詔中罷之侯家復奏乞下部更議文等再三執奏弗從竟如
侯請正德元年內閣及言官復論之詔下廷議文言鹽法之
設專以備邊今山陝饑寇方大入度支匱絀飛輓甚難奈何
壞祖宗法忽邊防之重疏上閣臣劉健等力持之景清復陳
乞如故於是文等劾其桀悍請執付法官帝不得已始寢前
命榮王乞薊州莊田崇王請自徵莊田租勿令有司與文皆
持却之保定巡撫王瓚請革皇莊文覆如其議帝不許文請
召民佃畝徵銀三分輸內庫而盡撤中官管莊者乃命留中
官各一人校尉十人餘如文議中旨索寶石西珠文請屏絕
奇珍以養儉德報可帝將大婚取戶部銀四十萬兩文疏請
得免四之一文司國計二年力遏權倖權倖深疾之而是時
青宮舊奄馬永成等八人號八虎日導帝徇馬鹿苑歌舞角

祗不親萬幾文每退朝對僚屬言及輒泣下郎中李夢陽進曰公大臣義共國休戚徒泣何爲諫官疏劾諸奄執政持甚力公誠及此時率大臣固爭去八虎易易耳文持鬚昂肩毅然改容曰善經事勿濟吾年足死矣不死不足報國遂令夢陽草疏疏具文讀而刪之遂偕諸大臣伏闕上言人主辨奸爲明人臣犯顏爲忠況羣小作朋逼近君側安危治亂胥此焉聞臣等備員股肱當主少國疑之日仰察天象俯揆物議瞻前思後憂心如焚至長涕泣不能自己伏覩近歲朝政日非號令失當自入秋來視朝漸晚仰窺聖容日漸清削皆言太監馬永成谷大用張永羅祥魏彬丘聚劉瑾高厚等造作巧僞浮蕩上心擊毬走馬放鷹逐犬俳優雜劇錯陳於前至

橫雲山人集

三

收錄

導萬乘與外人交易抑驅媒喪無復禮體日遊不足夜以繼之勞耗精神虧損志德遂使天道失序地氣靡寧雷異星變桃李秋華考厥占候咸非吉徵此輩細人惟知蠱惑君上以便已私而不思赫赫天命皇皇帝業在陛下一身今大婚雖畢尙爾未建萬一遊宴損神起居失節雖養粉若輩何補於事高皇帝艱難百職取有四海列聖繼承以致陛下先帝臨崩頒命之語陛下所聞也奈何姑息羣小置之左右以累聖德竊觀前古奄宦誤國爲禍尤烈漢十常侍唐甘露之變其明驗也今永成等罪惡既著若縱不治將來益無忌憚必患在社稷伏望陛下奮乾剛剗私愛上告兩宮下諭百僚明正典刑以回天地之變泄神人之憤潛削禍亂之階永保靈長

之業疏入帝驚泣不食璫等大懼時內閣劉健等方持言官章不肯下文疏復入帝遣司禮中官八人詣閣議一日三至健等持益堅王岳者八人中一人也獨曰閣議是明日召諸大臣入諸大臣或答文文不應令侍郎王鏊詰問探動靜健語鏊曰事且成十七八諸公第持之至順門李榮手諸大臣疏曰有旨問諸先生諸先生言良是第奴儂事上久不忍卽置理幸少寬之上自處耳衆相顧莫敢言榮謂文曰此舉出自公公云何文曰今海內民窮盜起水旱頻仍天變日增文等備員卿佐靡所匡救上始踐昨輒輒萬幾遊宴無度抑驅羣小何忍無言鏊曰八人不取亂本不除天下何由治榮曰疏備矣上非不知第欲少寬之耳鏊直前曰設上不處奈

橫雲山人集

四

收錄

何榮曰榮頸有鐵裏耶敢壞國事是日璫等益窘求南京安置閣議猶不肯下夜璫等環哭帝前頭觸地曰微上恩奴儂碌碌狗彘帝色動璫又進曰害奴儂者王岳也帝怒夜收岳立詔瑾入司禮永成等分據要地而大權悉歸璫矣璫恨文甚日令人伺文過諭月有以爲銀輪內庫者遂以爲文罪詔降一級致仕謫郎中陳仁爲鈞州同知給事中徐昂救文中旨責其黨護落文職以顧佐代并除昂名尋指文爲奸黨榜朝堂其子高唐知州士聰刑部主事士奇皆削籍文出都門乘一籃輿行李一車而已璫恨猶未已坐以遺失部籍逮文及侍郎張綱下詔獄數月始釋罰米千石輸大同尋復羅織他事罰米者再家業蕩然璫復官致仕世宗卽位遣行人